

Headline	Lukisan doodle terpanjang di Tasik Taman Idaman		
MediaTitle	Utusan Malaysia		
Date	31 Oct 2016	Color	Full Color
Section	Mega	Circulation	171,663
Page No	26	Readership	563,000
Language	Malay	ArticleSize	874 cm ²
Journalist	N/A	AdValue	RM 17,432
Frequency	Daily	PR Value	RM 52,296



Lukisan doodle terpanjang di Tasik Taman Idaman

BERTEMAKAN Township Of The Arts (Perbandaran Alam Seni), perbandaran Alam Impian di Shah Alam, Selangor, akan lebih menarik perhatian pengunjung dengan siapnya lukisan doodle terpanjang di atas laluan pejalan kaki sepanjang 1,080 meter dan selebar tiga meter di sekeliling Tasik Taman Idaman, perbandaran tersebut.

Cabaran menyiapkan lukisan doodle terpanjang di atas laluan pejalan kaki ini merupakan kolaborasi bersama I&P Group Sdn. Bhd., Jabatan Grafik Rekaan dan Seni, Universiti Teknologi Mara (UiTM) cawangan Puncak Alam dan Dulux Malaysia.

Seramai 300 pelajar dan 20 pensyarah dari jabatan tersebut telah bertungkus-lumus menyiapkan lukisan, sementara Dulux Malaysia telah menaja



NOOR LIDA NAZRI

keperluan mengecat. Dalam pada itu, semua kos yang berkaitan bagi menjayakan cabaran yang julung-julung kali diadakan sempena sambutan ulang tahun ke-10 perbandaran

Alam Impian telah dibiayai pihak I&P sendiri. Menurut Pengurus Besar Kanan Kumpulan Pemasaran dan Komunikasi I&P Group Sdn. Bhd., **Noor Lida Nazri**, pelajar-pelajar tersebut telah diberi tugas bagi menghasilkan lakaran bertemakan Alam Semula Jadi - Flora, Fauna dan Abstrak dalam masa dua hari, bermula 8 sehingga 9 Oktober lalu.

Noor Lida berkata, dengan tema itu, para pelajar bebas menzahirkan kreativiti seni mereka dan dapat melukis dalam suasana yang berbeza dari di dalam kelas. Projek seperti ini

belum pernah lagi dilakukan oleh mana-mana pihak.

"Para pelajar yang terlibat adalah daripada semester satu hingga tiga dan mereka dilihat cukup seronok melukis. Dengan peluang yang diberi ini, mereka dapat merasakan sendiri bekerja dalam industri yang berkaitan dan sebagai tapak untuk berkarya. Mereka juga dapat belajar bagaimana bekerja dalam satu kumpulan yang besar."

"Walaupun lukisan doodle yang asal hanya menggunakan warna hitam dan putih namun kami memasukkan banyak warna supaya lukisan nampak lebih menarik dan menjadikan pejalan kaki ini lebih menyerlah."

"Selain motif alam dan abstrak ada juga motif kartun yang menarik perhatian kanak-kanak yang datang ke sini bersama ibu bapa."

"Pada 10 Oktober lalu, wakil Malaysia Book of Records (MBOR) telah mengesahkan dan mengiktiraf cabaran lukisan doodle terpanjang ini."



REPLIKA robot yang terdapat di Tasik Taman Idaman untuk menarik perhatian kanak-kanak yang berkunjung ke taman itu.



mengembangkan kemahiran lukisan dan kepelbagaian peranan dalam kalangan masyarakat Malaysia.

Cuma kata Noor Lida, cabaran yang dihadapi pihaknya ialah bagaimana hendak menaja taman tasik dan laluan lukisan doodle ini.

Taman tasik dan laluan yang dibuat adalah bagi kemudahan semua anggota masyarakat. Pihaknya berusaha mencantik dan memberikan yang terbaik supaya semua orang gembira dan seronok beriadah di sini, justeru, pihaknya amat mengharapkan agar semua pihak menjaga kemudahan yang disediakan dengan baik dan tidak merosakkan apa yang telah disediakan.

Tambahnya, Tasik Taman Idaman dibuka kepada semua dan menjadi tarikan masyarakat sekeliling yang mahu beriadah atau membawa anak-anak bermain di sini.

Selain laluan pejalan kaki yang menarik dengan lukisan doodle, pihak FRIM turut menanam sebanyak 1,600 batang pokok daripada 45 spesies seperti pokok jelutong, kelat paya, tualang, sentul dan petai hutan.

Ujarnya, setiap batang pokok yang ditanam turut diletakkan nama dan boleh menjadi sumber pembelajaran kepada golongan pelajar dan sebagainya.



LUKISAN doodle terpanjang berwarna-warni menghiasi pejalan kaki di Tasik Taman Idaman, Alam Saujana, Shah Alam yang dihasilkan pelajar-pelajar serta pensyarah UiTM cawangan Puncak Alam.

MENGENAI I&P GROUP SDN. BHD.

I&P Group ialah syarikat milik penuh Permodalan Nasional Berhad yang ditubuhkan hasil gabungan tiga syarikat gergasi yang terdiri daripada Island & Pemirsular Berhad, Pelangi Berhad dan Petaling Garden Berhad, pada Mei 2009.

Ini merupakan gabungan syarikat-syarikat yang berpengalaman luas dalam bidang hartanah. Antara projek-projek yang aktif dijalankan di Lembah Klang termasuk Bandar Kinrara, Alam Impian, Temasya Glenmarie, Alam Sari, Bandar Bari Seri Petaling, Bayuemas, Bukit Damansara serta di Johor seperti Taman Rinting, Taman Perling, Taman Pelangi Indah.

I&P Group telah mendapat pengiktirafan sebagai 10 pemuja terkemuka hartanah di Malaysia selama 12 tahun berturut-turut sejak 2013 oleh majalah bisnes tempatan. Projek-projeknya juga banyak meraih anugerah dan pengiktirafan dalam dan luar negara.